

甘
寧
青
史
略

第
四
函

廿

字

青

史

考

卷一

甘肅青史略卷之二十八

民國二年夏六月維持省城官錢局

先是光緒三十二年省城官銀錢局開辦
臬司蘭州道爲總辦委佐辦文案各

事雜役二十餘名其資本由藩庫統捐庫各撥蘭平銀五萬兩共一十萬兩由上海外
印蘭平銀票三十萬兩錢票一十五萬串流通市面截至二十四年年底止除開支外
獲蘭平利銀四千四百八十兩有奇盡數作爲資本約計貸外息八九釐不等
可得蘭平利銀一萬七千二百餘兩至於發行錢票不過藉以流通市面出入
利息局內員司除開支薪水外按照定章於每年所得紅利內提二成五分紅
之資格久習薪水多寡及辦事勤惰以次酌分藉資獎勵計薪工雜費歲需銀八千三百
九十餘兩係國家經常支款向由該局利息項下作正開支
因係營業性質劃爲特別預算自民國成立人民持票兌現

慕壽祺曰政府向撥新餉四百萬兩宣統元二年各省解交甘肅藩庫者僅

二百四十萬甘肅留四五十萬不等國體變更餉源斷絕倘不開設銀行省

城坐困如暴疾人血脈中絕施救無方坐以待斃而已官銀號之成立其勢

不得不然也然元之用鈔日本用紙幣皆有銷毀之法限制之方甘肅因軍

政各費濫發紙幣飲鳩止渴取濟目前於是紙幣盛行公家持一紙空文吸收民間現金及田房產業議者謂與騙取無異以信用之不甚昭著也當此金融惶恐之時不有以維持之恐漫無限制挪用基金後患不可勝言矣

警察廳會同商務總會平定物價

所以恤民艱也。是時省城商號藉口道途梗塞貨無來源。索價之昂。駭人聽聞。米粟蔬菜產自田間。價亦

日增。時際雖或不同。欺弊因之紛起。如以銀攪金。以銅攪銀。以水潤麥。以灰飾米。欺之之法。其不一等。即此其不一等之中。而實空買空流。弊叢生此。無他。物價不平故也。政府從不過問。至是令飭警察廳。舉蘭縣商同省商務總會。妥爲平定。並擬榜諸通衢。以爲故意高擡者戒。

近人梁啓超嘗言在尋常百姓家故紙堆中往往可以得極珍貴之史料試舉其例一商店或一家宅之積年流水賬簿以常識論之甯非天下最無用之物然以歷史家眼光觀之倘將同仁堂王麻子都一處等數家自開店迄今之賬簿及城間鄉間貧富舊家之賬簿各數種用科學方法一爲研究整

理則其爲懷寶甯復可量蓋百年來物價變遷可從此以得確實資料而社會生活狀況之大概情形亦歷歷若睹現在物價飛漲社會生活日益困難不獨甘肅爲然其變遷實非人意料所及

慕壽祺曰古聖人之於民也最嚴交易繫辭曰交易而退各得其所又如西周時民間債權交易準折之狀況及民事案件之裁判往籍中一無可考自召鼎出推釋之卽略見其概後世聽民自由政府置之不問而有司猶能干涉之前清末葉蘭州市銀錢往來米糧交易以及各種貨物之價值均不敢任意增加恐皋蘭縣之懲辦也自共和成立百端待理長官不暇計及生活程度之日高奸商遂信口開河昔之值洋一元者今則超過十元矣以此類推不知伊於胡底平之平之豈可須臾緩耶

省政府通令各縣驗田宅契尾

凡前清典買田宅業經輸錢印契者呈由各縣署查明上蓋查驗戳記不再取民間一錢其未粘契尾者遵照

部章每百兩按六成上稅辦法其公允各縣知事以查驗手續麻煩日公家需款甚急照銀糧攤派無論已否稅契均限期向縣署交款甘肅故款之名自此始

案周禮小宰八成四曰聽稱責以傅別注世著約束於文書分別為兩家各得一鄭注曰稱貨責償皆聽之以券書猶今之券契也又宋太祖開寶二年令民典買田宅者輸錢

印契此稅契之始後世因以為例

甘肅墾殖分會成立

黃興所主張也東南人滿為患寶藏之在於地者已發掘無遺民國元年冬孫中山議築中國全國鐵路而以蘭州為中心點黃興

懷念時艱創辦墾殖協會而以西北為根據地革命諸鉅子所為注重蘭州經營墾殖者蓋見夫隴右一隅與西藏毗連山川雄厚礦苗繁盛自乾坤開闢迄至於今數千年來兩間菁華磅礴鬱積蓄而未洩留以待民國之疏通助政府之收入遣隴西人郭蔭甲至蘭州籌備初擬在西甯設局與當道意見不合借蘭州文廟地址行開幕禮

案殖民為膨漲國權之要素闢地為立憲國不可無之政策當茲二十世紀

於天潢劇烈之場歐美列強爭相略地及至無地可闢則駕飛行艇馭輕氣

球橫絕兩極探覓新地以殖民生青隔海員遼闊物產富饒具有大農國之

資格又與內地毗連如不因時制宜自行開發不特棄財於地爲可惜且恐
啓英俄之窺伺而無以固西北之防則西甯墾務問題如指北之鍼無可易
其方位而不必再行研究也明矣

慕壽祺曰人類起於中亞山西北而東南繁衍孳息於黃河揚子江流域故
其感情本相通召後世日漸疎遠益以宗教之互異言語之不同但事羈縻
毫無建設坐令至廣漠之域流爲荒蕪至饒沃之區困於疲瘠以言墾殖定
章程而已今值共和告成五族合爲一家無形勢扞格之患矣然又僅優秀
者流心知共和原理力求固圉之計以相聯絡起視西北之人民土地荒蕪
者如故疲瘠者如故徒使夙相親愛之同胞日且危疑震撼見逼於強鄰是
則關心時事者所深憂也黃克強組織墾殖協會使人在甘肅慘淡經營先

從墾荒入手實行殖民政策以此爲鞏固蒙回藏地位之謀太史公曰夫作
事者必於東南收功實者常於西北不其然與

維持西甯官銀錢局

西甯地接青海蒙漢交易直如青海都會光緒三十四年以該處
錢幣流通不暢由省城官銀錢局提出資本銀二萬兩錢票一萬
五千串於該府城內設立官銀錢局派委專員辦理定章除開支薪工局費外所得紅
利以五成提歸省城總局以二成五作爲甯局公積其餘二成五紅利仿照省局辦法分
獎員司藉資鼓勵歲需薪工局費銀三千二百六十五兩爲國家經常支款作正開銷

慕壽祺曰理天下以財財之計數以幣有幣制有幣權財政統一之機關於
是乎在幣制參差則畸輕時重軒輊無定不能均平劃一立永久不易之法
規幣制渙散則壟斷把持風氣自爲不能伸縮操縱定變通盡利之計劃甘
肅僻在西陲航軌未達無通商岸埠銀元銅元行使均未及甘市面交易銀
則紋銀錢則制錢銀色雖不能盡係足色市銀流通賤色總在九八以上再

有低潮補色補水間亦有之然係特別事項非通行慣例也錢色間攙雜私錢數亦無多行使雖有九二九四九六九八足錢之不同然皆以實錢計算非若陝西之票子錢以七百爲一串京畿以南之京制錢以五百爲一串也省城交易皆用蘭平每百兩比庫平小四兩二錢省外市平各屬大小不等官款出入皆以庫平折算今則均以蘭平計算矣

秋七月財政司司長田駿豐焚燒甘肅舊檔案

時改舊藩署爲財政司司長田駿豐以歷朝檔案堆積如山非惟地小不

足以回旋又恐辦公各員稍一不慎致釀回錄之災督署祕書長慕壽祺力爭之曰中國古冊易索而新著播揚未廣大抵原物始闕化樞渾噩幽奧今不如古出創見標異聞幸有意外之獲古不如今見古今事變多不狃狹劣見聞自然胸次浩蕩怪怪奇奇透人性地時一灑落何患不驚人耶晉張茂先於書無不讀尤憾未得見二十年中書明弘治中武選郎陳諒之得遜國諸臣隸尺籍者事蹟於故牘中銓次成書一時傳鈔幾遍明閣部史道陵答攝政王與攝政王致閣部書清高宗求之數年不得後得於內閣檔案中由此以推清入關二百六十餘年所存儲內閣爲世人欲爭先快睹者更不知幾何也內閣卷宗如此其重各省亦宜善爲保存以資參考甘肅居西北上游爲總督駐節之地兼管陝

西新疆其卷宗頗有關係况蘭州自明肅藩建國以至前清三百餘年中雖屢經大亂而省城始終未失各衙署案卷皆爲四五百年之古物督署所存尙有肅府舊檔爲歷史極有價值之成績爲吾甘最難得之文獻一旦作爲廢紙豈不大可惜耶
駁豐不聽竟付之一炬宣統初內閣檔案幾被焚燬與甘肅事相類

附錄金梁內閣大庫檔案訪求記叙內閣大庫檔案宣統初年清理奏請銷燬羅雪堂參事言諸南皮張文襄公移存國子監裝八千麻袋辛酉年立歷史博物館於天安門由監移往略檢其整齊者陳列於樓以詰勅及廷試策爲多餘貯城下視爲廢紙壬戌春有持硃筆抄諭題本之類詣梁求售審係大庫存件詢其來處堅不肯言亟以重價餌之寶沈盒宮保亦見數紙梁展轉訪求終不可得後忽憶前數年在悅古齋主人韓某處曾購題本經進講義高宗硃筆批改聯語等件亦大庫物立往訪韓竟能知其詳謂同懋增紙店實購自歷史博物館八千袋費四千金將運往定興縣紙坊重造紙料聞

之大驚乃定期約雪堂沈鑫偕往同懋增則謂車運造紙已過半矣僅檢留數袋立許五百金攜歸並囑速追餘件當三倍其原價酬之往返兼旬居然陸續運還堆置彰儀門貨棧三十餘屋連前後五院露積均滿高與簷齊然付價萬二千金寄存商品陳列所大樓廷招十餘人排日檢視頗多珍異之件如滿蒙文遼事例金事例元事例皆史冊密稿明題本行稿等皆有關邊務戰事清初檔冊皆開國方略硃諭批摺亦至可寶如朝鮮琉球安南等題表有言事者亦關掌故又見蘇祿國表獻版圖高宗硃批嘉獎末言願獻版圖一節着毋庸議尤所未聞餘不勝舉當另編目錄時知者絡繹請觀東海擬收歸國有外人且重金求讓清史館亦商請收藏雪堂均不許整理間商部某忽勒令移出不得已覓賃善果寺餘屋連夜遷入雪堂以常寓津沽特

開庫書樓先運小半分存之其餘留寺內待明春重檢理焉此項庫書爲
明清二代國故所關幸得雪堂先生一人之力初將消燬奪於火劫終將造
紙奪於水劫殆有天意存乎其間抱殘守缺力可回天庫書猶其小焉者爾
夫明清兩朝西北多事內閣檔案中其關於甘肅掌故者當復不少未略見
其一斑惜哉

大靖營游擊私收駝捐

甘肅無所謂駝捐也自之大靖營始時大靖營游擊胡建奎以綠營陋規已裁清苦異常爲維持箇人經費計凡甘涼駝駝

起廠赴後套察哈爾等處由大靖地界經過每駝一隻抽收制錢二枚駝戶呈訴省政府久未見此東西路各縣知事私設駝捐局每年所收補助縣政府經費嗣後化私爲公每駝收洋壹元財政廳列爲地方費縣知事又附加一成向之養駝者今其十不存一焉

案會甯縣燒煙全賴羊糞故養羊者多民國初縣知事創辦羊捐仿大靖營駝捐而設每羊一頭抽收制錢四百文合現洋一毛每年共收五千餘元以二千八百充作司法經費餘歸該縣政府

慕壽祺曰前清一代政費無論如何困難而賦稅未嘗妄加仁矣哉民國初大吏以甘肅窮瘁諸事仍遵照舊規胡建奎一游擊耳膽敢私收耗捐以致各縣相沿至今所收之數比大清營超過百倍作俑者其無後乎

省政府令屬吏謁長官不許稱卑職

元史河渠志有卑職參詳及卑職至真州等語是公移牋牘所用也而陳天祥論盧世榮姦邪

狀云卑職等在內外百司之間伺察非違知無不糾是又稱於至尊前矣前清舊例道員謁上官稱職道知府稱卑府知府以下概稱卑職省政府以國體既變省內外官吏謁長

官改稱
官職

在籍翰林劉爾沂設尊孔社於省城

遵照大總統令於省文廟設尊孔總社外縣聞之多成立分社

附錄大總統令立國之本在於政治而政治新舊之遞嬗恆視學說為轉移我中國之尊孔子始於漢武帝擯黜百氏表章六經自是學說遂統於一尊顧孔學博大與世推移以正君臣為小康以天下為公為大同其後歷代人士專取其小康學派鞏固君權傳疏諸家變本加厲而專制之威能使舉世學者不敢出其範圍近自國體改革締造共和或謂孔子言制大一統而辨等威疑其說與今之平等自由不合淺妄者流至悍然倡為廢祀之說此不獨無以識孔學之精微即於平等自由之真相亦未有當也孔子生貴族專制時代憫大道之不行哀斯民之昏墊乃退而祖述堯舜刪修六經春秋劇亂之後為升平太平之世禮於小康之上進以大同共和之義此其導源遠如顏曾思孟近如顧黃王諸

多能發明宗指擇精語詳大義微言久而益著醞釀鬱積遂有今日民主之局天生孔子
爲萬世師表既結皇煌帝諦之終亦開選賢與能之始所謂反之人心而安放之四海而
準者本大總統證以數千年之歷史中外學者之論說蓋灼然有以知日月之無傷江河
之不廢也惟民國以人民爲主體非任其自由信仰不足以證心理之同前經國務院通
電各省徵集多數國民祀孔意見現在尙未覆齊茲據尹昌衡電稱請令全國學校仍行
釋典之禮等語所見極爲正大應俟各省一律議覆到京即查照民國體制根據古義將
祀孔典禮折衷至當詳細規定以表尊崇而垂久遠值此設邪充塞法守蕩然以不服從
爲平等以無忌憚爲自由民德如斯國何以立本大總統維持人道夙夜兢兢每於古今
治亂之源政學會同之故反復研求務得真理以爲國家強弱存亡所繫惟此禮義廉恥
之防欲遏橫流在循正軌總期宗仰時聖道不虛行以正人心以立民極於以祈國命於
無疆鞏共和於不敵
凡我國民同有責焉

慕壽祺曰道統何由而起也其始於畫卦開天之伏羲氏乎至春秋時孔子生舉伏羲以
來堯舜禹湯文武周公諸聖人相傳之道統至孔子而集其大成當時杏壇設教隴上石
作子壤駟赤之徒從聖人學歸而教其鄉人父詔其子兄勉其弟胥曉然於日用倫常之
理如菽粟布帛之不可一日無也此風相沿其所由來者久矣自孔子之後雖甚無道之
世破裂天常墮壞人紀視聖賢爲芻狗能使其道不行於一時不能使其道不行於萬世
使其道不行於國中不能使其道不行於海外使其道不傳於新進少年之口不能使其
道不存於愚夫匹婦之心甘爲羲軒桑梓風氣樸厚人心一日不死孔道卽一日
不亡尊孔社從而維持之愈晦愈光漸推漸遠而一切離經畔道之言吾知免矣

前清盛時每三年派大員奉案州祭伏義隨從供饌浩繁隨從人等復驅騾驢站大吏奏請免祭從之青海初由中央派大員致祭後因騾驢驛站亦難之

藏香爲肥神之必需品西藏每年所貢清廷妥爲存儲以備祭用每遇祭時於藏廟內幕府於黃藏藏以龍花黃藏藏之復以極精緻之匣封之以防雨澤而香氣亦不外散

中央令青海辦事長官廉興祭青海

清雍正朝編青海蒙古爲二十九旗各守牧地平時不許私自往來每年九月間齊集海上祭海神

即以此爲會盟地點初由中央派大員前來致祭西甯辦事大臣作陪歲以爲常莫之或改其後由辦事大臣屆時主祭中央頒發藏香而已民國元年新舊過渡祭海典禮迄未舉行蒙藏頃有煩言本年由護督張炳華事前呈明中央請頒發藏香以昭重慎悉如所請辦理並電青海辦事長官預備會盟筵席廉興約西甯鎮守使馬麒陪祭以其解番語知番情也

案藏香產於西藏其製法廣收香木研成細末攪以金沙香及其他香料搓

成香長三尺餘有粗細二種其細者如線每百枝以紅絲線束之每百束爲

一筒以氈氍包之再以乾牛皮縫之輸入內地人甚寶貴然之奇香四溢灰

白拳而不落吳省欽藏香詩云甘松

即四川松潘縣

及珠貝百鍊入鑪錘搗作元霜

精搓作金管貌星星微火來煙篆四騰掉其臭淡無言其爐光有曜重帷閉

少時融液透百竅辟邪具神通那必數醫療

唐會典玄宗天寶十載春正月封東海爲廣德公南海爲廣利公西海爲廣潤公北海爲廣澤公宋眞宗康定元年詔加東海淵聖廣德王南海洪聖廣利王西海通聖廣淵王北海冲聖廣澤王青海無封號謹書西海通聖廣潤王牌位以祭之

慕壽祺曰民衆心理富於保守故宗教神話之類每能歷久不渝而蒙藏之信神爲尤甚民國自成立以來破除迷信對內則可對外則不可祭海典禮行之數百年藉以聯絡感情尊崇國體其關係豈淺鮮哉本年舉行舊禮亦告朔餼羊之義也夫

八月田駿豐建演說亭於督署門口

共和告成一年有牛甘處邊遠蚩蚩者氓不知民國之有何利益民間紀事有用宣統二年者內務

司長田駿豐爲開通風氣起見謁護都督張炳華而言曰演說之會始自泰西各國大政令大興舉無不倚重唇舌以激發其人心日本人民之開化其得力於演說者實多每

古人以簡策傳事者少以口舌傳事者多以目治事者少以耳治事者多同語也轉相告語易發生效力君門建演亭地處中心民智之一法

一開會聽者廣至鱗集若遇勳貴及知名士登場則聽者或至萬餘人前清末葉京津等處東南各省白話報盛行演說會盛開皆所以啓發民智效法鄰封而謀教育之日漸普及也白話報爲識字而設演說會爲不識字者而開其意各有所注惟山右程太守清合二者而一之名爲演說白話報用此法以勸甘民則易於聽受省城已組織演說會講員師世昌安固等頗盡職惟游行講演聽者寥寥院門照壁前地勢寬敞人亦往來不絕擬欲此處建一小亭作扇子式着講演員逐日演說其法由淺入深均用白話民非木石當易收效炳華未知可否而發聲已熄工耗材矣

慕壽祺曰甘處邊遠風氣晚開氓之蚩蚩寡聞孤陋不察列國大勢不知其

邦強弱不察列國論議不知其意美惡不察列國學術不知其技巧拙是謂

聾聵聾聵者侮之媒也願演說員大放厥辭俾社會周知外事匹夫有志國

家賴之若徒毛舉細故網羅舊聞雖舌敝唇焦於國家究何益哉

護都督張炳華令各縣於上丁日祭孔子

先是宣統初年舉一新政所有廟宇宿莽
積塵神主龕竈傾欹破壞几案皆烏鼠之

迹庭階有人畜之糞文廟祭祀屆期齋戒視爲虛文執事何嘗告戒拂拭者濁膩重重滌濯者污垢班班茁醺不問生熟犧牲未知精潔帶泥連草之菁芹含蛙蒙塵之棗栗凡百